

Vischnaunca da Breil

**Lescha communal da
taglia**

2018

Lescha communal da taglia

I. Disposiziuns generalas

- Art. 1 Object
2 Dretg subsidiar

II. Dretg material

1. *Taglia sin las entradas e sin la facultad*

- 3 Pei da taglia

2. *Taglia sin midada da maun*

- 4 Tariffa da taglia

3. *Taglia sin schischom*

- 5 Tariffa da taglia

4. *Taglia sin la quota d'ierta ed ina taglia sin donaziuns*

- 6 Object e fixaziun
7 Subject da taglia
8 Deliberaziun subjectiva da taglia
9 Calculaziun dalla taglia
10 Incassament e responsabladad

5. *Taglia da tgauns*

- 11 Object da taglia
12 Subject da taglia
13 Deliberaziun da taglia
14 Calculaziun dalla taglia

III. Dretg formal

1. *Autoritads*

- 15 Suprastonza communal
16 Uffeci communal da taglia

2. *Incassament*

- 17 Sadenza
18 Termin da pagament
19 Relasch ed amortisaziun administrativa da taglia

3. *Indemnisaziun*

- 20 Indemnisaziun per incassament

IV. Disposiziuns finalas

- 21 Entrada en vigur

I. Disposiziuns generalas

Art. 1

Object

¹La vischnaunca da Breil incassescha las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin gudogn ord la vendita da schischom;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom.

²La vischnaunca da Breil impona las suandontas taglias tenor questa lescha:

- a) ina taglia sin la quota d'ierta ed ina taglia sin donaziuns;
- b) ina taglia da tgauns.

³Plinavon incassescha la vischnaunca da Breil las suandontas taglias tenor la legislaziun speciala:

- a) ina taxa da hosps
- b) ina taxa turistica.

Art. 2

Dretg subsidiar

Aschilunsch che questa lescha cuntegn negina regulaziun, vegnan las disposiziuns dalla lescha davart las taglias communalas e davart las taglias da baselgia sco era dalla lescha da taglia cantunala applicadas conform al senn.

II. Dretg material

1. *Taglia sin las entradas e sin la facultad*

Art. 3

Pei da taglia

¹La taglia sin las entradas e sin la facultad vegn imponida en ina procentuala dalla taglia cantunala semplia.

²La radunonza communal decide il pli tard il december il pei da taglia per igl onn fiscal suandont.

2. *Taglia sin midada da maun*

Art. 4

Tariffa da taglia

La taglia sin midada da maun importa 2 %.

3. Taglia sin schischom

Art. 5

¹La taglia sin schischom importa 1.5 entochen 2.0 promils.

²La radunonza communal fixescha il pli tard il december il pei da taglia per igl onn fiscal suandont.

Tariffa da taglia

4. Taglia sin la quota d'ierta ed ina taglia sin donaziuns

Art. 6

¹Alla taglia sin la quota d'ierta e sin donaziuns ei suttamess mintga augment da facultad ch'effectuescha ina taglia cantunala sin ierta respectivamein sin donaziuns.

²Las valurs da facultad suttamessas alla taglia e la fixaziun dalla taglia sedrezzan tenor las prescripziuns cantunalas.

³Sche l'assignaziun consista d'ina gudida ni d'ina prestaziun che serepeta, ei la valur capitalisada decisiva per la taxaziun.

Object e fixaziun

Art. 7

Obligaus da pagar taglia ei il retschevider dall'assignaziun;

- a) sch'il testader respectivamein il donatur era domiciliaus ella vischnaunca da Breil il mument da sia mort respectivamein il mument dalla condescrida dall'assignaziun; reselvau ei quella part digl augment da facultad che consista da schischom che sesanfla buca sin il territori communal;
- b) sche l'assignaziun consista da schischom sin il territori communal ni en dretgs reals vi da tals.
- c) sch'el ha – il mument ch'ei vegn surdau premis ed ils duns d'honor dil cantun – siu domicil en la vischnaunca da Breil.

Subject da taglia

Art. 8

Deliberai dalla taglia sin la quota dall'ierta e dalla taglia sin donaziun ein:

- a) il conjugal survivent;
- b) ils partenaris registrai;
- c) ils descendents, ils figliasters ed ils affons confidai sco era lur descendents;
- d) las persunas ch'ei deliberadas subjectiv dalla taglia sin midada da maun tenor il dretg cantunal;
- e) ils partenaris da concubinat;
- f) ils geniturs.

Deliberaziun
subjectiva
dalla taglia

Art. 9

Calcolaziun dalla
taglia

- ¹Per calcular la taglia vegn deduciu:
- a) dallas assignaziuns a persunas basignusas frs. 14'000.--
 - b) da mintg'otra assignaziun frs. 7'000.--

²Il imports fixai ell'alinea 1 ein indexai.

³En cass d'ina obligaziun parziala da pagar taglia vegnan las deducziuns concedidas proporziunalmein.

⁴En cass da pliras assignaziuns al medem retschevider entras la medema persuna sa igl importo liber da taglia vegnir pretendius mo inaga enteifer ina perioda da tschun onns.

⁵La taglia importa:

- a) per la lingia dils geniturs 5 %
- b) per las ulteriuras persunas beneficadas 15%

Art. 10

Incassament e
responsabilidadad

¹La taglia sin la quota d'ierta ei da pagar ord il relasch avon sia repartiziun e vegn incassada per tut ils artavels sco era per tut ils legataris en ina suletta gada.

²Plirs retscheviders d'assignaziuns stattan solidariamein buns per la taglia entochen igl import da lur augment da facultad.

³Igl administratur dall'ierta numnaus officialmein ni dessignaus dils artavels e gl'executur dil testament stattan buns solidariamein per la taglia entochen igl import dil relasch sco tal.

5. Taglia da tgauns

Art. 11

Object da taglia

Per mintga tgaun ch'ei pli vegls che treis meins e che vegn tenius sin territori communal ei da pagar ina taglia.

Art. 12

Subject da taglia

Obligaus da pagar taglia ei il possessur dil tgaun. Il possessur ei obligaus d'annunziar siu animal alla vischnaunca enteifer 30 dis.

Art. 13

Deliberaziun da
taglia

Deliberai da pagar la taglia ein possessurs per

- a) tgauns da polizia;
- b) tgauns da lavinas;
- c) tgauns d'assistenza e terapia

Ils tgauns ston esser certificai e cumprovadamein en acziun.

Art. 14

¹La taglia importa pigl empren tgaun frs. 75.00, per mintg'ulteriur tgaun ella medema casada frs. 150.00 per onn. La suprastonza communal ei cumpetenta d'adattar quellas tariffas alla carischia.

Calcolaziun dalla
taglia

²Sch'il tgaun vegn buca tenius duront igl entir onn sil territori communal, vegn la taglia debitada pro rata, silmeins per 3 meins.

³La taglia sto vegnir pagada annualmein.

III. Dretg formal

1. Autoritads

Art. 15

La suprastonza communal decida:

- a) davart damondas da levgiaments fiscals;
- b) davart la participaziun a cunvegns da dretg vicendeivel dil cantun en caussas da taglia sin l'ierta e sin donaziuns.

Suprastonza
comunala

Art. 16

¹L'execuziun da questa lescha ei caussa digl uffeci communal da taglia, aschilunsch che la vischnaunca ei cumpetenta persuerter.

Uffeci communal da
taglia

²Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³La vischnaunca sa delegar a tiazas personas sias incumbensas tenor las alineas 1 e 2.

⁴La taxaziun dalla taglia sin schischom fa adina la vischnaunca. Responsabels persuerter ei igl uffeci da taglia communal.

2. Incassament

Art. 17

¹Las taglias sin entradas e sin facultad scadan la fin digl onn fiscal.

Scadenza

²La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

³La scadenza dalla taglia sil gudogn entras la vendita da schischom sedrezza tenor il dretg cantunal.

⁴Las ulteriuras taglias sco era las multas disciplinaras scadan cun la facturaziun.

⁵Alla fin dall'obligaziun da pagar taglia en Svizra ni cull'avertrua da concuors scada mintga taglia ni multa immediat.

Art. 18

Termin da
pagament

¹Cun resalva dad alinea 2 ein las taglias e las multas disciplinarias da pagar enteifer 90 dis dapi la scadenza.

²Il termin da pagament dalla taglia sin il gudogn entras la vendita da schischom sedrezza tenor il dretg cantunal.

³La taglia sin schischom incassada separadamein ei da pagar enteifer 30 dis dapi sia scadenza.

⁴Per las taglias sin las entradas e sin la facultad sco era per la taglia sin schischom incassada ensemen cun quellas sa la suprastonza communal decide in pagament en ratas per igl onn che suonda igl onn fiscal.

⁵Alla fin dall'obligaziun da pagar taglia en Svizra ni a caschun dalla declaraziun da concuors ei mintga taglia ni mintga multa da pagar immediatamein.

Art. 19

Relasch ed
amortisaziun
administrativa
da taglia

Davart las damondas da relasch e davart amortisaziuns administrativas decidan:

- a) igl uffeci communal da taglia entochen igl import da frs. 1'500.00 per onn e per cass;
- b) la suprastonza communal per ils imports che survargan la summa suramenziunada.

3. Indemnisiun

Art. 20

Indemnisiun
per incassament

La vischnaunca da Breil vegn indemnizada dallas baselgias cantunales e dallas pleivs cun 2 % dallas taglias incassadas.

IV. Disposiziuns finalas

Art. 21

Entrada en vigur

¹La lescha ei vegnida acceptada entras la cuminonza da votants (votaziun all'urna) ils 26 da november 2017. Ella entra en vigur igl 01. da schaner 2018

²Cun l'entrada en vigur da questa lescha ein tut las disposiziuns dalla vischnaunca che stattan en contradicziun cun ella abrogadas.


Per la vischnaunca da Breil

Il president communal:

Il canzlist communal:

Clau Schlosser

Curdin Cadonau



Approvada da la regenza tenor
conclus dals 19.12.2017 nr. 1034


En num da la regenza

La presidenta:

Il chancelier:



B. Janom Steiner



D. Spadin

